

SCRIPT OF MORNING GOJRI NEWS BULLETIN 15APRIL 2025 1015HRS

ما رننگ گو جری نیو ز بلیٹن مو رخہ 15 اپریل 2025

یوہ آکا شوانی جموں ہے محبوب سلطانی تین خبر سنو۔

POONCH CASO

ضلع پنچھ گی تحصیل سرنکوٹ گا گراں سانہ مانہ پچھلی رات حفاظتی دستاں تے دہشت گرداں بشکار فائرنگ گو تبادلو ہو یو بے ذرائع گے مطابق یو تبادلو اُس ویلے ہو یو جد مشتبہ نقل و حرکت دیکھن توں بعد حفاظتی دستاں گی اک سانجی ٹیم جن مانہ فوج پولیس خسوصی کاروائی آلو گروپ تے نیم فوجی دستاں گی طرفوں علاقہ گی کیرہ بندی کرغے تلاشی کاروائی شروع کی گئی اس سلسلہ مانہ پولیس گا اک سننیر افسر نے دسیو بے دہشت گرد رات گو فائدو چا غے نسن مانہ کامیاب نانہ وے اس واسطے اُت اضافی نفری وی تعینات کردتی ہے۔ اس سلسلہ مانہ فوج گاہ ذاتی تعلق گا نگران افسر کرنل سنیل برتوال نے فائرنگ گی تصدیق کیہے تے کیو جے مزید تفصیلات وی جلد فراہم کیا جیں گا۔

DY CM AMBEDKAR JAYANTI

نائیب وزیر اعلیٰ سریندر چودھری نے پچھلے تہاڑے بابا صاحب ڈاکٹر بہیم راؤ امبیکر گا ۱ سو ۵۳ وان جنم تہاڑا گا موقع ور نوشہرہ گا دوگراں ڈبر تے ننیال مانہ منعقدہ دو پروگرام مانہ شرکت کی اس موقع ور اُنہاں نے خراج عقیدت پیش کرتا مانہ کہیو جے وے بھارت گا اک منیا پڑمنیا وان سیاست دان ماہر قانون تے سماجی بدلاؤ آنن آلا بچوں اک تھا نائیب وزیر اعلیٰ نے اس تہاڑے گی مبارک باد دیتا مانہ کہیو جے یوہ تہاڑو بابا صاحب ڈاکٹر بہیم راؤ امبیکر گی قوم واسطے تے خاص طور ور سماجی انصاف برابری تے بھارت گا آئین نانہ بنان واسطے دتی گئی خدمات نانہ خراج عقیدت پیش کرن واسطے اک بڑی اہمیت رکھے۔

PLANTATION DRIVE

بھارت رتن ڈاکٹر بہیم راؤ امبیکر گا ۱ سو ۵۳ وان جنم تہاڑا غ موقع ور جموں میونسپل کارپوریشن نے جموں سمارت سٹی لمٹیڈ گا اشتراک سنگ توی دریا گے کنڈے شجرکاری مہم غو آغا زکیو۔ اس تقریب مانہ میونسپل حکام ماحولیاتی رجاکار تے ہریالی آلا شہر کی ترقی گا عزم نانہ ظاہر کیو جاسکے جموں میونسپل کارپوریشن گا کمشنر تے جموں سمارت سٹی لمٹیڈ گا اعلیٰ ایگزیکٹیو افسر ڈاکٹر دلپوش یادو نے اس شجرکاری مہم کی قیادت کی اس موقع ور بولتا وان اُنہاں نے ماحول گو تحفظ تے سماجی پلائی نانہ فروغ دین آلی پہل گے زرئع بابا صاحب بہیم راؤ امبیکر گا ورثہ نانہ خراج عقیدت پیش کرن گی اہمیت ور زور پایو۔

MIAN DISHA MEET

پارلیمنٹ میان الطاف احمد نے پچھلے تہاڑے راجوری مانہ ضلعی ترقیاتی رابطہ نگرانی کمیٹی گی میٹنگ غی صدارت کی تانجے ضلع مانہ مرکزی مالیاتی سکیم گا نفاذ تے ترقیاتی کماں ور ہوئی پیش رفت گو جائیزو لیو جاسکے اس موقع ور ڈپٹی کمشنر ابھیشیک شرما نے ممبر پارلیمنٹ نانہ ضلع مانہ چل رہیا ترقیاتی کم کاج بکھ بکھ شعبان گی طرفوں کی گئی کماں کی شروعات بارے تفصیلی جانکاری دتی اس دوران جناب میان الطاف احمد نے مرکزی مالیت آلی سکیم جن مانہ قبائلی بہبود گی سکیم راشنریہ گرام سوراہا ابھیان قومی دیہی روز گار مشن تے دیگر شامل ہیں نانہ تفصیلی جائیزو لیو اُنہاں نے سرکاری طبی کالج راجوری گا کم کاج گو وی تفصیلی جائیزو لیو۔

RANA UDH VISIT

جل شکتی گا وزیر جاوید احمد رانا نے پچھلے تہاڑے پریس کلب ادھمپور گو دورو کرغے اُت موجود صحافیان سنگ اک خصوصی گل بات گو سیشن منعقد کیو۔ وزیر موصوف نے اس موقع ور زرائع ابلاغ گا نمائندہ سنگ گل بات کرتا مانہ صحافت گا اس کردار ور زور پایو جڑو لوکاں نانہ متاثر کرن آلی حقیقی ترقیاتی تے سماجی مسائل نانہ چان مانہ ادا کیو جے۔ اُنہاں نے سہافت گا شعبہ سنگ جڑیا وان تمام لوکاں ور زور دتو جے وے صحافتی اقدار تے اصولاں نانہ برقرار رکھے تانجے پسماندہ طبقہ گی آواز سنی جاسکے جناب جاوید راناں نے اہم مسائل نانہ باندے اُن مانہ میڈیا گی کوششاں کی سراہنا کی تے شفافیت تے جوابدہی نانہ فروغ دین مانہ نگران کردار جاری رکھن بارے حوصلہ افزائی کی۔

UDH BAISAKHI MELA

گزشتہ روز تاریخی بیساکھی میلہ گے دوجے تہاڑے ادھمپور شہر مانہ دیویکا ندی گا مقدس کنڈے اک رنگا رنگ ثقافتی تقریب منعقد کی گئی۔ جدکہ اطلاعات تے تعلقات عامگا محکمہ گا ضلعی مرکز نے اک شاندار ثقافتی پروگرام منعقد کیو جس مانہ خطہ گی ثقافتی روٹہ نانہ دسیو گیو بے اس ثقافتی پروگرام نانہ دیکھن واسطے لوکاں نے بڑی تعداد مانہ

شرکت کی۔ اس موقعہ ور مقامی فنکاراں تے پرجوش طلباء گی طرفوں اس پروگرام مانہ شرکت کرن آلا نانہ ڈوگری
موسیقی توں لطف اندوز کیو گیو۔ ڈی ڈی سی پنچیری جسویر سنگھ اس تقریب مانہ مہمان خصوصی تھا۔

RAMBAN AGRI DEPTT

ضلع رام بن گا کھیتی باڑی آلا محکمہ گی طرفوں کاروباری افراد واسطے بہترین طریقو اپنان تے تکنیکی مدد فراہم
کرن واسطے لگاتار کوشش کی جارہی ہے واضع رہ جے ضلع رام بن گا کول علقاں مانہ اس بار مشروم گی پیداوار
پچھلاں براں گے مقابلے مانہ سب توں متی ہوئی ہے جھپڑی محکمہ گی طرفوں کساناں نانہ مشروم جمع کرن مارکیٹ
تک رسائی تے دیگر بارے ضروری جانکاری فراہم کرن توں بعد ممکن ہوئی ہے۔

NEWS READ BY MEHBOOB SULTANI

SKILLED RAJAT

DEO NUSRAT

TECH ASST PALLAVI

EDITOR KUNAL SHRIVATSA